



**Crisis Theologica**

**Cárdenes, Juan de**

**Sevilla, 1687**

Cap. I. Refertur propositio damnata, & quam merito censura invratur?

---

[urn:nbn:de:hbz:466:1-75689](#)

libus intrandi per ipsum, vera cre-  
dendo de ipso. Et Act. 16 Custo-  
carceris dixit Paulo, & filæ: Quid  
me oportet facere, ut salvus siam? at  
illi dixerunt, crede in Dominum Ie-  
sum, & salvus eris. Ergo ad salutem  
necessarium est credere in Iesum  
Christum, saltem necessitate pre-  
cepti. Alia sunt similia testimonia  
in Sacra Scriptura ad idem proposi-  
tum quæ videri possunt apud Parrem  
Suarez disp. 12. de Fide sect. 4. num.  
18. & apud P. Granado tract. 10. de  
Fide disp. 2. sect. 2.

36. De alijs mysterijs quæ sunt necessaria necessitate medij ad iustificationem, nempe de existentia Dei, & de Deo remuneratore, constat præceptum ex illo D. Pauli testimonio ad Rom. 11. *Accidentem ad Deum oportet credere, quia est, & quia inquireribus se remuneratur sit.* Quod si aliquis sit ignarus etiam invincibiliter horum mytheoriorum, & aliorum quorumcumque, quæ sint necessaria necessitate medij ad iustificationem, dixi supra cap. 2. eum esse incapacem absolutionis, atque adeo confessarium peccare mortaliter eum absolvendo, & poenitentem sic ignarum, petendo absolutionem, si advertat suam culpatam: quod si suam culpam advertat, iam est vincibiliter ignarus.

37. Tum sic. Incapax est absolutionis qui accedit ad confessionem violans actualiter quodlibet præceptum, & maxime Divinum; sed qui accedit ad confessionem cum ea ignorantia, violat actualiter id Præceptum Divinum: ergo incapax est absolutionis. Quæ quidem assertio constat etiam ex eis, quæper totam disputacionis seriem docui-

A decorative horizontal border element consisting of four stylized floral or leaf-like motifs separated by small gaps.

## DISERTATIO. XLII.

*An sufficiat semel credidisse  
hec duo Mysteria Trinitatis,  
& Incarnationis? Vbi  
de damnatione pro-  
positionis 65.*

C A P V T . I.

Refertur propositio damnata,  
Et quam merito censura  
inveratur?

*SVMARIVM.*

*Propositio damnata, & multiplex sensus illius. num. I.*

*Primus sensus non cadit in propositionem. num. 2.*

*Secundus est consequentia talis propositionis. num. 3.*  
*Tertius sensus proprius. num. 4.*

I. **P**ropositio 65. ex damnatis  
est. Sufficit illa mysteria  
semel credidisse. Lumbier tom. 3. sum.  
num. 1783. triplicem sensum attri-  
buit huic propositioni. Primum [suf-  
ficit iemel credidisse, ita ut homo  
non teneatur præmittere hanc Fidem  
explicitam reliquis confessionibus  
totius vitæ] Secundum [sufficit se-  
mel credidisse, ita ut quamvis postea  
obliviscatur, aut ignoret ea myste-  
ria, possit esse capax absolutionis.]  
Tertium [sufficit ad impletendum  
præceptum Fidei semel credidisse:  
quia unico solo actu impletur id  
præc.

præceptum. ] Affirmatque omnes sensus esse falsos; sed duos posteriores contineri sub hac damnatione, non autē primū. Quia non constat de obligatione præmittendi actum Fidei receptioni Sacramenti Pœnitentiae. Et in primis hæc duo non cohærent, & quod sit falsum, quod [ postquam homo semel creditit, non tenetur præmittere actum explicitum Fidei reliquis confessionibus] & quod [non constet de tali obligatione præmittendi hunc actum Fidei confessionibus.] Quomodo enim dabitur talis obligatio si de ea non constet? Quod si non datur talis obligatio, quomodo etiā falsa propositio, quæ negat eam obligationem?

2. Deinde; ille primus sensus non cedit in propositionem damnatam; que nihil dicit de præmittendo confessionibus, aut non præmittendo actu Fidei explicitæ horum duorum mysteriorum.

3. Secundus sensus cedit in eam propositionem damnatam, eo quod est quædam consequentia ex propositione antecedenti illata. Nam ex eo, quod dicatur esse capacem absolutionis eum, qui culpabiliter ignorat hæc duo mysteria, colligitur, esse capacem absolutionis, qui semel ea mysteria creditit, quamvis accedat ad confessionem oblitus, & ignarus eorum, & ideo in hoc sensu damnata manet ea propositio. Et quam merito iure damnata sit, constat ex Dissertatione præcedenti.

4. Quare tertius sensus relatus est præcipiūs huius propositionis damnatae: scilicet sufficere ad implendum præceptum Fidei de his mysterijs illa semel credidisse. In quo sensu damnatur, & merito hæc propositio. Quod manifeste probatur ijs omnibus quibus in Disert. 9. cap. 2. ad 17. prop. art. 3. probavimus, non sufficere, quod quis semel eli-

ciat actum Fidei, vt constat ex ijs, quæ ibidem perpendimus circa eum textum Pauli ad Rom. 1. quem repetit ad Galat. 3. & ad Hebr. 10. nempe *Iustus ex Fide vivit*. In lege autem Evangelica non debet christianus vivere ex Fide, qualiterat in Synagoga Hebræorum, sed ex Fide Evangelica cuius præcipua Mysteria sunt Trinitatis, & Incarnationis. Vide in loco relato reliquos textus Scripture, & testimonia Sanctorum Patrum Ambrosij, Arnobij, Laurentij Iustiniani, & Origenis.

## C A P V T II.

*Quoties teneamur elicere actum  
Fidei de Trinitate, &  
Incarnatione?*

*SVM MARIVM.*

*Tenemur ad elicendos actus fidei ho-  
rum mysteriorum frequenter.  
num. 5.*

*Modus facilis implendi hoc præcep-  
tum. num. 6.*

*Hos actus fidei frequenter elicimus.  
num. 7.*

5. **I**Vxta ea, quæ diximus Disert. 9. cap. 2. dicendum est, nos teneri ad elicendos actus Fidei de his duobus mysterijs frequenter. Ita vt si Fidelis diuturno tempore cessaverit advertenter ab his actibus Fidelis eliciendis, peccabit lethaler. Pro hac assertione loco citato retuli P. Suarium, Lugo Cardinalem, Illustiss. Petrum de Tapia, & Raimundum Lumbier. Eamque roboravi multis locis Scripturæ. Probatur assertio. Nam quilibet Fidelis tenetur ad elicendos frequenter, & sèpius, actus Fidei, vt clare ostendi, tum ex P. Sua-

*Suar.  
Lugo.  
Tapia.  
Lumb.*